

Schnitzelbank Sabrenas 2020

www.sabrenas.ch

Papier- und Bildschirmtiger

Immer mehr Dienstleischtige werde bote,
richtig schaffe velliecht scho glii verbote.
Der ganz Tag frooge sie di so Sache,
zum di nachher dermit schikaniere, überwache.

'S richtige Logo

D'SVP isch vor de Wahle ehrlich.
Die eine störts, anderi findes herrlich.
Das Plakat sait doch im tiefere Sinn:
Bi der Partei steckt der Wurm ganz bös dinn.

Umweltschutz

Eusi Gmeind will umweltfründlich si,
der Gmeindrot git sich richtig Mueh derbi.
In der Unterfüehrig chönsch drum; ohni zliege;
bim Asterix go CO2-frei fliege.

Schuldunfähig

Huushaltsgrät in der Wohnig umeschiesse,
im Tobsuchtsafall 's Zerstore richtig gniesse.
E Erklärig fürs Handle in der Wuet:
Bim Dani steckt der Schrotthändler im Bluet.

Us em Rege in Trauffi

Mir hei mit em Rehmann Roger gstritte,
kenne im Heller sini Schattesitte.
Doch nach em allerneuschte, gheime Gmunkel,
ischs uf der Gmeind aber erst jetzt so richtig Dunkel.

Ups

Uf em Tisch im Polizeibüro,
lit e Dekobombe, eifach so.
E Explosion wei d' Spezialiste erzwinge
nur für das muesch ächti Tischbombe bringe!

*Finale, Chinderfasnacht, Fasnachtsfüür
nit verpennä!*